

Nos Antepasadonan...

# Victoriano Croes

Victoriano Croes, cariñosamente jamá Too, Baas of Baas Too, a nace dia 12 di januari 1895.

Na Aruba tur hende tabata conoce Too zapaté.. For di leu nan tabata baha, anto lunanan adelantá pa bin pidi'é traha zapato pa henter famia. Despues di a

caba 6de klas di e soeurnan, el a bai siña e profesion di zapaté den winkel di su omo Julio Wolter, e unico zapaté di e tempo ey. Pero e situacion di Aruba no tabata manera awor y na edad hoben Baas mester a cuminsa traha riba su mes. Cu 19 aña el a habri su propio zapateria. Balente manera semper e tabata sintá ja for di 6'or y mei mainta ta traha y drecha zapato. Por ehempel ora tin un bruid, Too mester traha zapato pa e bruid y henter e famia. Mescos ora di ricibimento. Pasobra si ta un zapato bon y bunita bo tabata kier, anto ta Baas mester trah'é.

Prijsnan di es tempo tabata incomparable. Anto zapatonan di puro cuero. Cuero cu e tabata cumpra aki cerca comerciantenan local. Un paar di zapato pa damas tabata costa 10 florin. Pa cabayero 15 florin, y zapatonan pa mucha tabata 7 florin cu 50 cent. Pa drecha e dek so tabata 2 florin y 50 cent, y un tapa di hilchi tabata 1 florin. Pero tin biaha e cliente no tabata tin placa pa paga. Pa Baas esey no tabata problema. Asina cu e zapato tabata cla, e cliente ta bai cu'ne, anto a cambio nan tabata trece comcomber, patia y otro fruta y berduranan di cunucu, ora cu tin.

Mientrastanto, Too tabata e unico zapaté na Aruba, pasobra e otro dosnan a muri. E tabata tin masha hopi cliente, entre nan: hueznan, dokternan y polisnan. Hasta pa e polisnan di Curaçao e mester a traha zapato. Esaki tabata prome cu Segunda Guerra Mundial. E tabata bai cu barco tuma midi, bolbe Aruba pa traha e zapatonan y mandanan despues cu barco atrobe. E pago mes tabata bin hopi mas despues. Durante guerra mes ta Baas tabata e zapaté di e soldatnan mericano y puertorriqueño cu tabata stacioná aki. Baas tabata traha boets pa nan na valor di 35 florin pa paar.

Tambe pa hendenan cu ta sinti pia y muchanan cu nace cu un defecto na pia, Too tabata traha zapato especial cu orden di dokter. E dokter tabata controlá e zapato prome y despues e ta laga Too sa cu e ta perfecto, pa asina Too entrega e zapato na e doño.

Baas a pasa e profesion di zapaté na hopi mucha cu awendia ja ta hendenan grandi. Nan mayornan tabata mandanan bai sinta den winkel cu Baas pa asina kita nan for di caya y alaves siña drecha zapato. Y Baas Too, manera un bon tata, tabata judanan, papiando cu nan y teniendo nan ocupá cu e trabao.

Victoriano Croes a casa na aña 1920 cu Silvina Ras, di cual matrimonio a nace 7 jiu. Como ciudadano ehemplar y pa su dedicacion constante na su profesion, Baas Too a wordo condecorá pa La Reina Juliana. Victoriano Croes a fayece na 1966 na edad di 71 aña.....



**Too cu su nieto Karel den winkel trahando.**

Skina di

SABIDURIA

**Mucha:** Dicon bo tabata asina duro prome cu mi a kita bo tapadera?

**Botter di Coca-Cola:** Mi botter ta duro, pasobra den e fabrica unda nan ta traha'mi nan ta hinca un gas special, cu ta e 'prik' cu bo ta sinti ora bo bebe'mi. Ora mi tabata sera, e gas special tabata atrapa y purbando pa sali. E tabata pusha p'afo y esey ta loke a haci cu mi botter tabata duro. Bo a ripara cu ora bo a kita mi tapadera, un tiki 'bubbles' a sali? Wel, esey tabata e gas cu tin extra den mi cu a logra scapa. Mi botter ta mas moli awor, pasobra e gas no tin nod'i pusha p'afo mas, e ta djies sali ariba.





# Chabalito



Number 7 - Año IV  
Maart, 2002 - Afl. 2,=

Nr. 8,  
april  
2002

